

**JAVNI POZIV
ZA ORGANIZACIJE CIVILNOG DRUŠTVA (UDRUŽENJA I FONDACIJE) U BOSNI I HERCEGOVINI
JAČANJE TRANSPARENTNOSTI I ODGOVORNOSTI
U OKVIRU PROGRAMA FILANTROPIJE**

I UVOD

Fondacija tuzlanske zajednice (FTZ) objavljuje **Javni poziv za sufinansiranje projekata organizacija civilnog društva¹ (OCD) s područja Bosne i Hercegovine (BiH) koji će im pomoći da unaprijede transparentno, odgovorno i etično poslovanje u svojoj OCD.**

Javni poziv se realizuje u okviru FTZ projekta „Naša zajednica je naša odgovornost“, finansiranog od strane USAID Snaga lokalnog u BiH. Ukupna finansijska podrška koju je FTZ osigurala kroz ovaj poziv iznosi 50.000,00 KM za period 2023/2024. Fondacija će zadržati pravo da ne potroši sva sredstva u ovom javnom pozivu, ukoliko projektni prijedlozi ne budu zadovoljili postavljene kriterije. U tom slučaju će biti objavljen novi javni poziv sa ostatnim sredstvima za podršku, kao i novim rokovima za realizaciju projekata.

U okviru ovog poziva FTZ, u saradnji sa partnerima, promoviše principe, vrijednosti i prakse etičnog, odgovornog i transparentnog poslovanja u civilnom sektoru. Iste su definisane u [Etičkom kodeksu za OCD u BiH](#) i [Globalnim standardima za odgovorno poslovanje OCD-a](#), ali i [Standardima transparentnosti i odgovornosti za OCD](#) u BiH u okviru USAID programa Snaga lokalnog.

II CILJEVI POZIVA

- Podržati OCD u BiH da unaprijede prakse poslovanja u oblasti etičnog, transparentnog i odgovornog poslovanja,
- Podržati OCD u BiH da informacije o svom radu učine dostupnim građanima, drugim sektorima i cjelokupnoj javnosti
- Promovirati primjere dobre prakse transparentnog i odgovornog poslovanja OCD u BiH.

III PRAVO PRIJAVE

Na javni poziv se mogu prijaviti:

- Formalno registrovane OCD (udruženja i fondacije) iz cijele BiH na bilo kojem nivou vlasti
- OCD koje žele da unaprijede interne prakse etičnog, odgovornog i transparentnog poslovanja
- OCD koji mogu realizovati projekat i unaprijediti prakse transparentnog i odgovornog poslovanja u periodu od maksimalno 6 mjeseci.

III ROK ZA PRIJAVU

Poziv za prijem aplikacija otvoren je **od 25. aprila do 31. maja 2024. godine.**

IV NAČIN REALIZACIJA SREDSTAVA

U skladu s [Kriterijima poziva](#), FTZ će u periodu 2024/2025, dodjeliti podršku za 10 OCD iz BiH u maksimalnom iznosu **do 5.000 KM** po jednom grantu (**iznos bez PDV-a**).

Ugovor o dodjeli sredstava će FTZ potpisati sa odabranim OCD-a najkasnije **do 30.07.2024.**

¹ Pod organizacijama civilnog društva, ovdje se primarno misli na udruženja i fondacije koje su registrovane na bilo kojem nivou vlasti u BiH.

Svi odobreni projekti moraju biti realizovani **do 30.06.2025.**, bez mogućnosti produženja za utrošak sredstava ili završetak projektnih aktivnosti.

Napomena: Sredstva iz ovog Javnog poziva ne uključuju troškove poreza na dodanu vrijednost, PDV. Sva pravna lica koja dobiju ova sredstva mogu ostvariti pravo na povrat PDV-a preko Uprave za indirektno oporezivanje.

4.1. NAMJENSKO KORIŠTENJE SREDSTVA

Sredstva koja se budu odobrila po ovom pozivu se mogu usmjeriti na pokrivanje troškova za realizaciju aktivnosti koje će pomoći OCD-ima iz BiH da poboljšaju interne kapacitete i performanse za uspostavljanje i poštovanje principa etičnog, transparentnog i odgovornog rada, za redovno informisanje javnosti o svom društveno korisnom radu, programima, ciljnim grupama i korisnicima, te predstavljanju efekata i uticaja koji ostvaruju u lokalnim zajednicama širom BiH. **Više detalja u Kriterijima poziva.**

V NAČIN PRIJAVE

Zainteresovane OCD mogu aplicirati samo sa jednim prijedlogom projekta, isključivo putem prijavnog obrasca. Aplicirati možete tako što ćete popuniti obrazac za prijavu i poslati ga na e-mail: standardi-to@fondacijatz.org. Nakon uvida u projektnu aplikaciju od strane grant tima, aplikant će putem e-maila dobiti potvrdu prijema aplikacije, koju ste dužni u roku od 7 dana od momenta potvrde dostaviti, potpisanu i ovjerenu u dva štampana primjerka, na adresu Fondacije: Pozorišna 13, 75000 Tuzla, lično ili poštom. Prije popunjavanja prijave, aplikantima se preporučuje da konsultuju grant tim Fondacije.

FTZ neće uzeti u razmatranje nepotpune aplikacije, kao ni one koje pristignu nakon navedenog roka ili ne budu dostavljene na prethodno navedeni način.

5.1. POTREBNA DOKUMENTACIJA ZA PRIJAVU

Uz prijavni obrazac, koji svaki aplikant dostavlja obavezno poštom, potrebno je obavezno poslati sljedeće dokumente:

- Rješenje o registraciji (prvo i posljednje rješenje), samo za aplikante koji prvi puta apliciraju prema FTZ (kopija),
- Statut OCD, samo za aplikante koji prvi puta apliciraju FTZ (kopija),
- Finansijski izvještaj za prethodnu godinu/Bilans stanja i Bilans uspjeha (kopija),
- Dokaz o otvorenom žiro računu u banci (kopija) i
- Izjavu/e o partnerstvu, ako se radi o partnerskim projektima.

VI PRODUŽENJE ILI PONIŠTAVANJE JAVNOG POZIVA

FTZ zadržava pravo da produži i/ili poništi javni poziv i/ili odbaci sve prijavljene projekte, ukoliko isti ne zadovolje opšte uslove za prijavu i Kriterije poziva. FTZ neće snositi nikakvu odgovornost prema aplikantima tokom podnošenja prijave. Dostavljena dokumentacija od strane aplikanta se neće vraćati, a FTZ se obavezuje da će sa istom postupati odgovorno i da povjerljive informacije o aplikantu neće dijeliti sa trećim stranama.

Za bilo kakvu podršku tokom razrade ideje i/ili ispunjavanja on-line aplikacije, molimo da nas kontaktirate putem e-mail standardi-to@fondacijatz.org ili putem telefona na broj 061 221 526.



Jasna Jašarević
Jasna Jašarević, direktorica